

ASEGURUAK

Kexak aurkezteko
hainbat aholku

Bizkaian eta Gipuzkoan kalte-ordainak jaso ahal izateko, komeni da honako aholku hauek kontuan hartzea.

POLIZA. Adituek diotenez, lehenengo eta behin poliza arretaz irakurri behar da, eta aseguru etxearekin harremanetan jarri.

PARTZUERGEOA. Espainiako Estatuko aseguru etxeek Partzuergo bat osatzen dute hondamendi egoeratan erantzun ahal izateko. Honako helbide hauetara jo behar da: Donostian, Getaria kalea 2, 3.a; eta Bilbon, Heros kalea 3, 1.a.

EPEA. Zazpi eguneko epea dago eskaria aurkezteko. Dena dela, honelako kasuetan aseguru etxeek malgutasunez jokatu ohi dute.

AGIRIAK. Aseguru etxeak edo Partzuergoak ematen duten agiria bete behar da, eta polizaren, ordain-agiriaren eta IFZren fotokopiak aurkeztu.

tara, hirurogeita hamar bat aldiz esku hartu behar izan zuten, gehienetan hustubideak garbitu, hesiak jarri edo kaleak mozteko. Geltoki kalea hesiz inguratu zuten, eta handik SNCFko hamazazpi autobus atera ziren jendea Irundik Miarritzera eramateko, trenbidea Hendaian moztuta zegoela eta.

Donostian ere, lan eta lan ari-tu dira udaleko beharginak ura ateratzen eta bazterrak garbitzen. Alberto Rodriguez zinegotziak azaldu zuenez, zailtasun ugari izan zituzten langileek.



MARISOL RAMIREZ / ARGAZKI PRESS

GARBIKETA. Herritarrak buru-belarri aritu ziren bazterrak garbitzen.

Loiola auzoan, esaterako, garbiketarako kamioiek ez zuten atzo arte sartzerik izan, eta Ato-txako Erretiratuen Etxetik ura atera ondoren berriro bete zen, «orubea blai eginda dagoelako».

Euskotren konpainiak Munda- eta Bermeo arteko trenbidea zabaldu zuen atzo. Etenda jarraitu zuten zerbitzu bakarrak Donostiatik Usurbilerako trenbidea eta Donostiatik Lasarte-Oriarako izan ziren, baina Euskotrenek iragarri zuen bi zerbitzu horiek indarrean egongo direla gaur.

Josu Jon Imaz Eusko Jaurlaritzako bozeramaileak agerraldia egin zuen atzo, eta, hildakorik egon ez dela eta, bere poza agertu zuen. Imazek zorionak eman zizkien instituzio, Babes Zibil eta osasun zerbitzuei «erantzun egoki, azkar eta koordinatua emateagatik».

‘Urak dakarrena,
urak daroa’

GARBIKETA LANAK. Hondamenaren aztarnak nabarmenak ziren atzo Bermeoko kaleetan; goiz osoa garbiketan jardun arren

I. Sagarmínaga | BILBO

Egunotan bete dira 19 urte uholde ikaragarriek Euskal Herria astindu zutela. Iragan astean, atzeritik heltzen ziren berriek Europa *urpean* zegoela zioten. Alabaina, herenegun zorrigaitza geurean izan zen ate joka, eta ondorioak nabarmenak ziren atzokoan Euskal Herriko hainbat herritan. Bizkaiko herri batzuetan ur-jasek

eragindako ondorioak larriak izan badira ere, besteak beste Mungia, Bakio, eta Mundakan, kasurik gogorrena Bermeokoa izan da.

Uholdeek eragindako ondorioak neurtzea eta utzitako zikinkeria garbitzea otu zitzaizen atzo bermeotarrei; herritar zein udalari. Kaiak eta itsasaldeak ohiko duen ur berde urdinxkak, lokatz kolorea zuen atzo goizean. Lupetz kolorez jantziak kale eta errepideak. Karrika, bide izkina eta portu alboko enparantza lokatzez lepo zeuden. Udalak langile guztiak jarri zituen garbiketa beharretan. Dendari eta tabernariak, lokatzez betetako sagardo eta ardo botilak, aulkiak, mahaiak... ur mahukak eskuetan harturik goiz parte osoa, garbitzen ari-tu ziren. Urak utzitako lupetza eta zikinkeria urez garbituz; esaerak dioen legez, «*urak dakarrena, urak daroa*».

Galeren zenbatekoa datoren ostiralerako iragarri arren, Bermeoko alkate Juan Carlos Goienetxeak adierazi zuenez; herria «hondamen eremutat» jotzea eskatuko dute. Udalaren helburua ahal den bizkorren egunerokotasunean murgiltzea da. Hargatik, udaletxeko ateak eguneko 24 orduz zabaldua izango

dira. Udaltzaingoak ere lanean izango dira ordu oro.

Uholdearen ondorio latzenak portu aldean, Erribera auzunean, Askatasun Bidean, Trake inguruan, eta Zarraskuenaga inguruan izan ziren. Alabaina, galerei aurre egiteko baliabiderik egokiena aseguru pribatua izatea dela azaldu du alkateak. Aseguru etxeak lasaitasuna eta pazientzia eskatu diete herritarrei.

Alkatearen esanetan, Bermeon azken hilabete eta erdian hiru larrialdi-dei izan dira: uztailaren 22an, pasaden larunbatean eta herenegun. Lehenean, 126 litro ur metro koadroko batu zen ordu eta erdian, eta Amezaga erreka gora egin zuen. Iragan larunbatean, euri zaparradek eraginda, ordu erdian 135 litro ur metro koadroko batzeko beste bota zuen. Amezagak berriz egin zuen gainezka.

Herenegun aurreko bi aldietan baino ur kopuru gutxiago bota arren, 110 litro inguru metro koadroko, uholdeak izan ziren. Arrazoia, itsasorearen egoera zitekeen. Aurrekoetan ez bezala, marea biziak zeuden eta itsasgora. Amezagaz gain, Ander Deuna auzoko erreka ere egin zuen gainezka.



MARISOL RAMIREZ / ARGAZKI PRESS

LUPETZA. Orain, lokatza kentzea da bermeotarren lehentasuna.